

IO. ANTONII
VIPERANI

DE SCRIBENDIS VIRORVM

ILLVSTRIVM VITIS.

SERMO



*Monatly
L. Vrb.*



PERVSIÆ, Apud Valentem Panitium Mantuanum, Illustris.
& Reuerendiss. FVLVII CORNEI S. R. E. Cardin.
atque Illustr. X. virum, & Excell. Collegij V. I.
Impressorem. M D LXX.

JOHN ANTONI

VIPERANI

DE SCRIBENDI VITAE

ILLUSTRIUM VITAE

LEONARDUS





DE VASIA...
C. R...
...
...

DIDACO VARGAS

REGIS PHILIPPI

A SECRETIS.




Io: Antonius Viperanus.



N lente vnguentum
fatis est tritum com-
muni sermone pro-
uerbium, in eos dici
solitum, qui magni-
ficis verbis in re mi-
nima vtuntur. Idem
mihi obijceretur, si
de scribendis virorum illustrium vitis sermo-
nem ampla oratione tuo nomini dedicarem:
quod & antiqua nobilitate clarum, & egregia
A 2 digni-

dignitate celebre, & maximis virtutibus illu-
stre est, mihi ob accepta beneficia singulari
beneuolentia toto vitæ meæ tempore colen-
dum. Tamen humanitatem tuam oro, vt,
qualecunque sit, paruum hoc munus æquo a-
nimo accipias: in quo & meam in te obseruā-
tiam, & tuum in literatos viros studium liben-
ter agnoscas.



Io: Antonius V. peritus.

In iente vnguentum
-moe mutis sic sita
-muni sermone pro
-uclum, in coe
-solam, qui m
-fide veris in re
-nima vntum. Item
-mili obiectum, si
-omne vntum vntum
; mntem mntem mntem
sig. & mntem mntem
-ingl A .



IO. ANTONII

VIPERANI

DE SCRIBENDIS VIRORVM

ILLVSTRIVM VITIS.

BIBLIOTECA NAZIONALE
ROMA
M. TOSCANI EMANUELE

SERMO



ERCVRIVM illum
eloquentie paren-
tem nuntiumque
Deorum Audito-
res quadrato saxo
insidere non abs re
commenti sunt poe-

ta humanarum actionum & vita magistri;
quod stabilis & firma sit bonarum artium
possessio: quam nulla temporum iniquitas
violare, nulla fortuna temeritas imminuere

poteſt,

potest, sed suo ipsa sinu custodit, atque intue-
tur aternitas. Verum inter cetera doctri-
narum genera historicorum præcipue stu-
dium & poëtarum mihi diuinum, & admi-
rabile videtur: qui cælesti quadam vi clero-
rum hominum res gestas ab obliuione, & ue-
tustatis iniuria vindicant, simulque in om-
nium gentium memoriam disseminant; quæ
paruis alioquin cancellis angustæ alicuius re-
gionis, aut urbis modica cum laude circum-
scriptæ iacerent. Idcirco eos Plato plurimi
faciendos existimat; quoniam illorum vis in
utramque partem, & ad laudandum, & ad
vituperandum maxima est. Nemo est au-
tem mortalium, qui non aliqua laudis, &
gloriæ cupiditate capiatur. Quamobrem
hodierno die, quando pro academia nostræ in-
stituto differendi prouinciam ab optimo no-
stro principe demandatam mihi recusare non
licuit, mecum animo proposueram de histo-
rico-

ricorum & poëtarum laudibus dicere; sed
veritus ne rem vulgarem, & peruagatam
agerem, vidererq; (quod aiunt) soli lumen
afferre, mentem ad aliam disputationem
conuerti; quæ tum rei nouitate placeret, tum
doctrinæ ratione iuuaret. Quis enim ve-
strum ignorat, quod vniuersæ res perpetuis
tenebris occultarentur, atq; eadem nox cum
malis bonos, & cum fortibus ignauos oppri-
meret, nisi excellentium virorum ingenium,
& literarum splendor accederet? Quod au-
tem dicere cogitavi est perbreui sermone scri-
bendarum virorum Illustrum vitarum ra-
tionem quandam artemq; complecti: ut non
tantum quid scriptori præstandum, verum-
etiam quo sit ille studio legendus intelligatis,
quæ quidem lectione non modo nihil iucun-
dus, sed quoque principi viro nihil esse potest
utilius: cum certis vitæ exemplis ad virtu-
tem informetur, et tanquam stimulis ad ma-
gna-

gnarum rerum imitationem, & gloriam ac-
cendatur. Non aliter Carolum V. Imp. Cæsa-
ris emulatio, Cæsarem Alexandri, Alexan-
dram Achillis ad res magnas, & præclaras
inflammat. Nec res quidem explicatu fa-
cilis est. nam & acri iudicio, & multa ac
varia doctrinarum cognitione eget. Est pro-
fecto sua cuiusque operis perfectio, & ijs so-
lum nota pulchritudo, qui in ea se arte exer-
cuerunt: ac quemadmodum in picturis, quid
probandum sit, nisi pingendi periti non vident
sic recta scribendi ratio, nisi a doctissimis, &
prudentissimis viris percipi non potest. quin
imperiti sæpe laudant ea, quæ reprehendenda
sunt, ac contra, quæ laudanda sunt, reprehen-
dunt. Cum igitur vestra hæc animi attentio
benevolentiam mihi polliceatur, fidenter in
eam, quam proposui, disputationem ingre-
diar. Vita non tantum natura munus, quo
descimur aura (ut poëta loquitur.) ætheria,
sed

sed viuendi quoque rationem significat; humanarum inquam actionum modum & formam; quam videlicet mores, hoc est, animi affectiones qualitatesue describunt. Hanc scriptor debet exprimere, ut afferat utilitatem historia. Sane que hominis propriae sunt actiones, non cum alijs communes, ea humane vocantur. sunt autem, quae ab appetitu, & ratione proficiscuntur. Siquidem intelligere peculiare magis est diuinorū spirituum, & brutorum animantium sentire: at homo, qui vtriusque naturae particeps est, duobus principijs ad agēdū mouetur, ratione, & appetitu. quae actiones cū volūtariae sint, & humani animi iuris, merito humana dicuntur. Itaque vita, ut apud grecos etiam βίος cum viuendi rationem notet, quam liber & nullius dominationi subiectus animus instituit, rectius hominum victū, sicut in Aristotelis secundo Physicorum libro eruditi viri obser-

B uane-

De Hist.
animal
li. 8. c. 1.

li. 6. c. 3.

uauerunt , quam bestiarum significat : qua
quod agunt , non ex se agunt , sed natura ui,
atque instinctu . quanquam in illis morum
quædam vestigia tradit Aristoteles apparere
metus, ignauia, fortitudinis, ira, & qua ab ho
mine dicta est humanitatis. Quamobrem qui
alicuius uitam scribet, in hoc maxime elabo
rabit, ut eius mores exponat, qui sunt animi
affectiones, quæ ipsius uitæ modum rationemq;
definiunt. Sic grauissimus auctor Plutarchus
in Alexandri uita dumtaxat ea literis man
daturum se professus est, quæ ingenium illius
& mores ostenderent. Quocirca mihi de
moribus in primis dicendum uidetur . La
tini uno moris nomine appellarunt, & con
suetudinem, quam greci *ἥθος*. & animi affe
ctionem, quam illi *πάθος* vocant . etsi hoc nomi
ne Fabius Quintilianus sentit romanum ser
monem carere, quod eo non tam mores, quam
morum quædam proprietates significentur .
inter-

interdum etiam modi notionem, unde du-
 citur, mos habet, ut Paciq³ imponere mo- Aenei. 6
 rem. modus autem non solum mediocrita-
 tem, & terminum, ut Est modus in rebus,
 verum etiam formam statum, & conditio- Horat.
li. 1. Sa-
ty. 1.
 nem indicat: ut illa sunt, huius modi, cu-
 ius modi, illius modi. Ex quo animi affe-
 ctiones, & qualitates, quas greci ποιότητες
 dicunt, rite mores latini nominarunt. quan-
 doquidem nostrarum actionum modus ab
 animo petitur. Sunt ergo mores (ut Ari-
 stoteles inquit. nec potio^{re} auctorem ha- Magni
moral.
li. 1. c. 1.
 beo, quem hac in re sequar) animi affectio-
 nes, & qualitates, siue ad rem aliquam pro-
 pensiones. Non enim mores in intellectu po-
 nimus, cuius uis in sola rerum cognitione
 uersatur, sed in appetitu, quo ad declinan-
 dum aliquid, aut persequendum ciemur.
 Neque enim cum de alicuius moribus loqui-
 mur sagacem illum, aut sapientem, sed aut
 B 2 mitem,

in Poe-
tica.

mitem, aut temperantē dicimus: illaq; actio-
nes solae morales sunt, quae sunt voluntariae;
eademq; humana uocantur. Quare poëtas
eos reprehendit Aristoteles, apud quos ficta-
rum personarum orationes moratae non sunt:
nempe in quibus non exprimitur, quid quisq;
uelit, aut fugiat. διόπερ ἔκ τ' ἔχουσιν ἡθὺς ἐν τοῖς λόγοις
ἐν οἷς δὲ ἔστι δῆλον, ὅτι προαίρεται, ἢ φεύγει ὁ λεγών. Et mo-
res quidem alij sunt naturales, & insiti, alij
studio & usu comparati. Naturales pri-
mum intelligi uolo, qui ex ipsa corporis tempe-
ratione oriuntur. Equidem physiorum, &
medicorum sententia ex quatuor humoribus
sive qualitatibus constamus, sicut e quatuor
principijs componimur sanguine, pituita, bili
& melancholia: ac prout illarum quaeque re-
dundat, ita diuersi affectus generantur. Nam
cui plus sanguinis inest, hunc animosiores ui-
demus, & hilariores; cui uero melancho-
lia, timidiores, & tristiores: at in quo prin-
ceps

ceps bilis existit, acrioris & iracundior fit; in
quo vero pituita, obtusior redditur, & ita tar-
dius commouetur. ob idque lenta ab Horatio no-
minatur. Hæc morum proprietas, & dissi-
militudo a natura est, nimirum a dissimili
corporis temperatione, siue humorum, quibus
corpus constituitur, uarietate. Quinetiam
mores quosdã gignit generis, ac seminis stirps:
utque fructus a seminis, sic a generis bonitate
mores quidam commendantur.

li. 2. sa-
ty 2.
Aristot.
Proble.
sect. 30.

Fortes (inquit Horatius) creantur for-
tibus; & bonis

Lib. 4.
od. 4.

Est in iuuentis, est in equis patrum
Virtus; nec imbellem feroces

Progenerant aquila columbam.

Catonum seueritas propria, in Graccis popu-
lare ingenium fuit. Præterea locorum na-
tura (sicut Aristoteles ait) magnam facit mo-
rum differentiam. quippe homines monta-
ni, uti quoque bestia, ore sunt acriores, & la-
certis

De Hi-
sto. Ani
mal. lib.
1. c. 29.

In ora-
tione cō-
tra Rul-
lum.

Aristot.
Poli. 7.
c. 7.

certis nervisq; robustiores. Et Cicero Li-
gures montanos duros, & agrestes dixit ef-
se, Campanos fertilitate loci superbientes.
Proinde bene temperatus aër quarendus est,
cuius lenitas aque menti, ac corpori prodest.
Atq; equidem mores barbaros præ se ferunt,
qui in nimio, uel frigore, uel aestu degunt: &
qui regionem aquilonalem incolunt ob ma-
gnitudinem aduentitij frigoris magis tepe-
scentibus intimis corporis partibus candidi
sunt, simplices & audaces; contra habitato-
res Australis sub calente cælo nigri, uafri, &
timidi. Omitto Astrologorum descriptio-
nes, atque iudicia, qui refrigerantis Saturni
stellam in australi, incendientis uero Martis
in aquilonali, at temperantis Iouis sidus in
intermedijs regionibus dominari asserunt: e-
quibus Italipræsertim humani, liberales, a-
mabiles, & ad regendas ciuitates apti exi-
stunt. Hinc apud grecos in prouerbio fuit

βί' οἱ ἀνθρώπων, καὶ αὐτῶν σπέρματα τυ νῆσοις οὐνται ταῖς χώρας .

Ad hæc ætatum, sexuumq; discrimina suos habent mores : fortuna quoque conditio, & studiorum, quasi naturales quasdam vitæ proprietates affert. quas omnes Aristoteles præ ceteris sapientissime, & copiosissime persecutus est. At studio & consuetudine creati mores habitus animi sunt, aut virtute laudabiles, aut vitio vituperabiles. quorum tractatio eorum philosophorum est, qui morales nuncupantur. Ac sane ingenitum & naturale nobis uidetur (sicut Fabius Quintilianus scribit) quod usu & consuetudine comparatur : tantaq; eius vis est, ut naturam superet, & si praua sit, a recto itinere abducatur. & quemadmodum in loquendo vincit artem, in rep. sancit, & delet leges, sic in animo, & naturam sæpe expugnat, & proprietates aufert & inserit. Atque ob id potissime suarum actionum homo in se positam habet potestatem, quia

Rhetor.

2.

li. i. c. 2.

quia potest aliter assuescere, quam a natura institutus est. Nec vero cum naturales mores dico a rationis imperio seiungo, sed quod a natura magnam vim habeant, naturales dicuntur: atq; eatenus laudantur, quatenus vel virtutis habent aliquam significationem, ut mansuetudo, & pudor, vel ratione confirmantur, atque reguntur. Recte igitur Ari-

in Poe-
tica.

stoteles inquit κακία καὶ ἀρετὴ τὰ ὅντα διαφέρουσι πάντες:

Ergo mores (ut philosophorum verbis utar) & dispositiones animi sunt, & habitus, hoc est, permanentes qualitates, non quidem omnes, sed quibus appetitus bene, aut male ad rem quampiam conformatur: ex quo vita modus ratioq; desumitur. Ceterum mores, & oratione declarantur, & actione: siquidem oratio imago animi est, nec avari sermone alia de re, quam de pecunia sunt, & de voluptatibus intemperantis; atq; ut ex corporis motu temperationem eius dignoscimus,

Ar. sto.
Ethi. 4.
cap. 18.

sic

sic ex his, quæ extra prodeunt, actionibus interioribus animi mores affectionesque coniungimus. Vnde Platonis illa sententia plurimum a Cicerone laudata est, Qualis cuiusque animi affectus esset, talem esse hominem; qualis autem homo ipse esset, talem eius esse orationem; orationi autem facta similia. Quare si affectus animi laudabilis est, et vita laudabilis erit. Sed quoniam scriptori propositum est non fictis benefactorum documentis viuendi legem ostendere, non scribet quorumvis, sed illustrium virorum vitas. Sunt autem illustres, quos aut virtutis, qua nobilitatis parens et alumna est, aut dignitatis splendor illustrat, quæ virtutis est socia et comes. In hos enim, utpote ceterorum principes acrius intuemur, et illorum facta libentius imitmur. Nam horum, qui nobis excellunt, mores imitandos ducimus. Verumtamen ut ea pictura vehementius mouet, quæ affectus animi verius effingit, sic ea historia magis appro-

Tuscul.

5.

C

batur

quia potest aliter assuescere, quam a natura institutus est. Nec vero cum naturales mores dico a rationis imperio seiungo, sed quod a natura magnam vim habeant, naturales dicuntur: atque eatenus laudantur, quatenus vel virtutis habent aliquam significationem, ut mansuetudo, et pudor, vel ratione confirmantur, atque reguntur. Recte igitur Ari-

in Poe-
tica.

stoteles inquit καὶ αὖ καὶ ἀρετὴ τὰ ἢ διὰ φύσιν πάντες.
Ergo mores (ut philosophorum verbis utar)
et dispositiones animi sunt, et habitus, hoc est, permanentes qualitates, non quidem omnes, sed quibus appetitus bene, aut male ad rem quampiam conformatur. ex quo vita modus ratioque desumitur. Ceterum mores, et oratione declarantur, et actione: siquidem oratio imago animi est, nec auari sermone alia de re, quam de pecunia sunt, et de voluptatibus intemperantis; atque ut ex corporis motu temperationem eius dignoscimus,

Ar. sto.
Ethi. 4.
cap. 18.

sic

sic ex his, quæ extra prodeunt, actionibus interioribus animi mores affectionesque coniungimus. Vnde Platonis illa sententia plurimum a Cicerone laudata est, Qualis cuiusque animi affectus esset, talem esse hominem; qualis autem homo ipse esset, talem eius esse orationem; orationi autem facta similia. Quare si affectus animi laudabilis est, et vita laudabilis erit. Sed quoniam scriptori propositum est non fictis benefactorum documentis viuendi legem ostendere, non scribet quorumvis, sed illustrium virorum vitas. Sunt autem illustres, quos aut virtutis, qua nobilitatis parens et alumna est, aut dignitatis splendor illustrat, quæ virtutis est socia et comes. In hos enim, utpote ceterorum principes acrius intuemur, et illorum facta libentius imitmur. Nam horum, qui nobis excellunt, mores imitandos ducimus. Verumtamen ut ea pictura vehementius mouet, quæ affectus animi verius effingit, sic ea historia magis appro-

Tuscul.

5.

C

batur

-batur, quæ hominum mores melius exponit.
-Itaq; ut pictor in conformandis lineamentis
oris, in quo motus animorum elucent, sum-
mam operam consumit, sic bonus scriptor in
-exprimendis animi moribus, e quibus vita ra-
-tio perspicitur, omne studium suum & dili-
-gentiam ponet. Primum igitur accurate per-
-sonarum attributa considerabit, nationē, pa-
-triam, genus, parentes, corporis temperatio-
-nē, studia, fortunas, amicitias, & his similia.
-Etenim cuiusq; nationis sui quidam sunt mo-
-res, ut immanes Germani, feroces Britāni,
-hebetes Pannonēs, leuēs Galli, arrogantes Hi-
-spani, mēdaces Greci, perfidi Parti, molles A-
-siani quorundam voce produntur. Patria ve-
-ro & situs est inspiciendus, & instituta. Nā
-cæli & loci naturam satis ad bonam corporis
-& animi temperationē conferre iā diximus;
-& a patria consuetudine argumentū capi cō-
-sentientis omnium ingenij nemo dubitat. Hoc
-nimis

mirum est illud, quod olim Sybaritæ volupta-
tēs obijciebant, quoniā luxuries apud Sybari-
tas nullo in vitio erat; contra Lacedæmoniū
ut virū frugi commendabant, quoniā fruga-
litas apud Lacedæmonios virtuti dabatur.
Ego virum perfectū eum esse cum Platone
existimo, qui inter ciues intēperantes virtutē
colat; quod non tantum natura sed consilio
uoluntate maxime studiosus sit. Atq; ut pa-
tria, sic etiam familiæ ratio habēda est. Nam
supra cōmonuimus esse quosdam generis eu-
iusque proprios mores, infusasq; cōceptas
qualitates; quibus eiusdem cognationis ho-
mines inter se similes sunt. cum uera nobilitas
recte agendi necessitatē quandam imponit;
ut turpissimum sit a maiorum uirtute
disciplina degenerare. tamen ut magnū dede-
cus est parentum gloriam inquinare, sic (quod
de se Cicero contra Salustium mirum in
modum gloriatur) magna laus suo generi

Libo

C ij nobi-

nobilitatis initium asferre. Mox decet parē-
tes respicere; qui & semine, & vitæ exemplo
atq; instituto mores suos & naturam in filios
infundunt, Verum quā ratione fiat, ut ex bo-
nis parentibus raro boni filij procreentur, igno-
ro. Et quidem Homerus.

Odiss. 3.

οἱ παῖδες γάρ τοι παῖδες ὅμοιοι πατρί· πολλοὶ γὰρ
οἱ πολλοῦ καὶ κακοῦ, παῖδες δὲ τε πατρὸς ἀρείου, hoc est,

Namq; e quidem pauci similes sunt patri-
bus orti:

Quin plures vitij, quā qui virtute priores.
Post hac corporis temperatio videnda, e qua
proprietas quadam animorum existunt, ve
recundia & impudentia, audacia & metus,
fortitudo & ignauia, comitas & seueritas, tū
ingeniorum acumen aut hebetatio; celeritas
aut tarditas, vbertas aut exilitas, gravitas
aut leuitas: in quibus ad capeffendas bonas ar-
tes atq; virtutes magna vis est. Fingit quoq;
corporis temperatio pulchritudinem; quam
nullum

nullum animal præter hominem sentit; quãq;
Socrates & Plato utpote mentis subiectam
oculis dignitatem vehementer amarunt. Por-
ro Virgilij sententia.

Gratior est pulchro veniēs in corpore virtus. Æneid. 5.

Amo autem pulchritudinem virilem, nō mu-
liebrem; quæ a Venere venustas aptius dice-
tur. De qua dicit Homerus καλὸν

Iliad. 3.

ἔσθ' ὅς ἐπ' ἀλλ' οὐκ ἔστι βίη φρέσιν, ἔδεται ἀλλή. hoc est.

Pulchra, tamen sine consilio, sine robore,
forma.

Quin etiam corporis bona valetudo ad res
arduas & eximias necessaria est: qua male
affectus Scipionis Africani filius patri similis
esse non potuit. Ad hæc præceptores obseruan-
di, qui sunt alteri parentes, & studia, quibus
ab ineunte ætate instructus fuerit.

Adeo (inquit Virgilius) in teneris consue-
scere magnum est.

Gerg. 2.

Insuper amicitia, quas parit morum similitu-
do

do, affectionū animi testes sunt. non secus principes viri quales ipsi sint, ex famulorum, quibus magis delectantur, ingenio cognoscuntur. Postremo fortunas perperito, quarum copia propter uoluptatū affluentiam permultos a uirtutis uia detorsit, inopia uero etiā plerosq; a magnorū operum perfectione retardauit. Vniuersa autem uita ratio, quæ in aliqua nominis celebritate ac uirtutis & dignitatis splendore uersatur, mihi triplex uidetur. Aut enim in contēplatione rerū, aut in ciuitatum gubernatione, aut in bellicis studijs posita est. quā quisq; uitam ut uel delegerit, uel exegerit spectandū est accuratissime. Prima quieta est. & quia cœlitū uita similima uidetur, sapiēte dignissima iudicatur: altera prudentia & iustitia presidijs innixa ad tuendā humani cœtus coniunctionē refertur: tertia, quæ ad defendendum suorum incolumitatem & fortunas cōparatur, propter uarios & incopinatos

casus, ac uita multorum & maximorum discrimi-
nium contemtionem maiorem multitudi-
ni parit admirationem. Rerum uero gestarum ra-
tionem prater locum & tempus tria in uniuersum
complectuntur, occasio, facultas, & euentus.
Nec dubium est, quin plerique, nisi occasio de-
fuisset, inter alios multis modis, & titulis ex-
celluissent. Quibusdam non occasio, sed aut
uires, aut consilia & modus defuerunt. nam
in facultate modus intelligitur: & in re diffi-
ciliori magis uirtus ipsa splendet. Sed fre-
quenter hominum spes & consilia fefellerunt
euentus: qui non in nostra potestate, sed in
Dei voluntate collocati sunt. Vnde uir pru-
dens consilia non ponderat euentis ut vul-
gus, sed ipsa prudentia regula metitur.
Quare a se ipso sapientia sumenda, a Deo
fortuna petenda est: quæ nisi diuinitus ad-
res egregias tanquam comes addatur, pa-
rum uirtus per se ipsa ualere uidetur.

Est

in parti
tionibus

*Est autem mihi fortuna cœlestis quadam au-
ra in his rebus, quæ extra nos posita sunt, secun-
da, vel aduersa; cuius nulla ratio a nobis red-
di potest; non Dea, ut ille ait Pœta, cœlo a stul-
tis hominibus locata. Sed & Ciceronis consi-
lium hac in re sequi placet, ut seruata bonorũ
distributione animi, corporis, & fortuna, illo-
rum, quæ extra animum sunt, usus considere-
tur; uirtutes uero, quæ animi perfectiones sũt
per se ipsæ laudetur. Earũ duæ præstantissimæ
sunt, quæ in conseruãda hominum cõmuniõne
uersantur, iustitia & bellica fortitudo: illa ius
suum unicuiq; tribuendo humanam societate
munifice tuetur; hæc depellendo quæ ab hosti-
bus pericula impendent facit, ut ciues in pace
otio & quiete fruantur. Vtriusq; moderatrix
prudentia est omnium regina virtutum. Hoc
loco de uirtute forte quispiam differeret, sed in
alienam segetem (ut dici solet) falcem im-
mitteret: de una tamen uirtute pauca ipse di-
xerim, quæ totius humana uita fundamentũ
&*

Et norma est. Hac est religio, qua homines
inter se conciliat, leges sancit, resp. conseruat.
quæ quoniam varia fuit, varia quoque vita
instituta Et mores inter homines induxit. Sed
certe nulla vera est, nisi ea, quã Christus Dei
Et hominis filius enuntiauit. Ea gentium er-
rores euulsit, ac veros sensus inseruit, Et tum
mala correxit, tum bona in veri Dei cultum
transferendo perfecit. Igitur peruerse agit,
qui Christi religionem professus contra Chri-
sti præcepta Et fidem it: Et Carolus V. Imp.
maiore laude dignus est, quod multa religio-
nis causa attentare neglexerit, quæ alioqui nõ
solum recte, sed etiam gloriose fecisset. Tanta
religionis vis est, sine qua nulla vita instituta
probantur. Satis multam congesisse scripto-
ri materiam Auditores censemus, sed quo il-
la ordine digerenda sit, videndum modo est.
Et quidam atatum gradus, ut Plutarchus,
quidam generum distributionem persequun-

D

tur

in Par.

tur, ut Suetonius, qui dicta & facta in qua-
dam capita coniecit, unde mores eius, cuius
vitam scribebat, melius cernerentur. Quam
dispositionis duplicem formam Cicero quoq;
in demonstratiuo genere teneri docuit. Porro
si per etatum gradus historiam deducimus,
etiam spectare oportet, si quid ante vita or-
tum contigerit; cuiusmodi sunt ea, quæ dor-
mientium visis significantur; sicut B. Domi-
nici matris viso, quo canem edere sibi videba-
tur facem ore tenentem, qua uniuersus ter-
rarum orbis illustraretur, filij præstantia in
diuina legis promulgatione præmonstrabatur.
Et de Hecuba ferunt, quod dum Paridē ute-
ro ferret, in quo regni excidij causa fuit, flam-
mam nocte quadam parere somniauit, cuius
ardore tota Asia conflagraret. Cum visis etiā
uatum oracula tanquam uita certissima te-
stimonia producuntur, quibus de aduentu Chri-
sti pleni sunt rerum sacrarum libri. Tum si
quid

quid in ipso ortu notatu dignū acciderit, mini
me silentio pratermittendum: ut in natali die
B. Ioannis Bapt. letitia, quæ adeo cognatos
et vicinos affecit. Quin modum, quo Esau, et
Iacob nati sunt, scriptura notauit. Dein infan
ti si quid admirandū euenerit non debet scri
ptoris animaduersionē effugere. Nam hæ res
pro futura vita non uanis argumentis habentur.
D. Ambrosio in cunis paruulo dormien
ti apes fauum in labellis finxerunt. magnum
eloquentiæ signum. Similis fama celebratur
de Platone, qui copia dicēdi et grauitate om
nes facile superauit. Moyses adhuc uagiens
in fluuium proiectus, et diuina ope seruatus
est. Ea res clarum præclara uirtutis et
gloriæ signum dedit. Idem fere de Romu
lo et Remulo scribunt historici, qui ur
bem Romam condiderunt illustrissimum
orbis terrarum monumentum. Adhac in
ipsis pueris sæpe quadam uirtutum semina,

D ij et

Et vitiorum igniculi apparent: e quibus quales futuri sint augurari quodammodo possumus. Hac de causa tot de puero Cyro Xenophon, tot de Alexandro rerum scriptores commemorarunt; qui magnitudine rerum gestarum omnium consensu magni nomen obtinuit. Ut autem homo rationis compos factus est, animaduertendum quomodo naturales affectiones aut bonas confirmauerit, aut malas rexerit, hoc est, quomodo seipsum vicerit; ac quibus artibus Et virtutibus vitam ipsam excoluerit, videndum. Ipse autem uita cursus ut confectus, ita narrandus est: dicendumque ordine quid, quo modo, quo tempore, quo loco, quo euentu actum sit: Et si quid illi prater natura leges rarum Et admirandum contigerit notandum. Non leuia persequemur, nec in minimis rebus immorabimur, sed ea dicemus, quae aliquod uita documentum allatum putamus. Doceanturque homines in
omni

omni fortuna constantem animum tenere ,
nec in secundis rebus se efferre, nec in aduer-
sis demittere: ac nullam esse ignomiñā, quæ
a turpitudine non proficiſcatur, nec laudem
ullam quæ non ab honestatis fonte emanet.

Demum mortis genus, & siquid etiam post
mortem obuenerit, quod rem aliquam graue
portenderit, debemus aduertere. cuiusmodi
multa in Christi morte, quæ nobis salutē &
vitam attulit, diuinitus acciderunt. Par etiā
est dicta referri, quæ affectiones animi decla-
rant. Nonne illa verba Alexandri, quæ ad
Achillis tumulum in Sigæo dixit (sunt au-
tem apud Ciceronē) O fortunate adolescens,
qui tuæ virtutis præconem Homerum inue-
neris, desiderium ostendunt, quo ardebat pru-
dentem & grauem aliquem suarum rerum
scriptorem habere? & Cæsar præteriens ca-
stellum quoddam paruum in syluestribus lo-
cis situm, cum interrogatus an illic quoque.

in ora-
tione pro
Archia.

D iij am-

ambitio esset, respondit malle se primum illic
esse, quam Romæ secundum, quantam obse-
cro regnandi cupiditatem indicauit? Nec
argute & sententiosa dicta (ἀποφεινματα greci
uocant) negligi decet: quæ non paruam cum
delectatione coniunctam habent utilitatem.
Verum enimvero ad exornandam historiam
descriptions rerum, et ab ipsa re, sed ad rem
ipsam pertinentes digressiones plurimum va-
lent: quibus & apte utendum est, & modi-
ce, non solum delectandi lectoris, sed etiam
illustrandæ rei gratia: ad quod pariter fa-
ciunt cohortationes & conciones. Sed tamen
eæ digressiones mihi valde placent, in quibus
de moribus & vita disputatur: quas Plutar-
chus in suis vitis multas sapienter intexuit.
Licet item scriptori quid in re dubia sentiat
interdum significare: & si quod factum ex-
cellentius narrat, arguta quadam sententia
distinguere; & quid imitatione dignum sit
breui-

breuiter admonere. Verum adsit ubiq; mo-
dus, quo decore seruitur. cuius ignoratio nos
in multos & graues errores impellit. Pri-
mum autem omnium veritati cōsulat, sicut
iubet sacrosancta historiae lex; ut ne rem vl-
lam falsam pro vera pronūtiēt, neu plus a quo
amplificet, vel attenuet aut inuidus, aut adu-
lator. Non enim se pōētam, idēst, rerum fi-
ctorem, neq; oratorem, idēst, amplificatorem,
sed historicum, hoc est veritatis cultorem
profitetur. Aliena uero inferere hominis est
imprudentis & ignari, nec quid rei conue-
niat intelligentis. Quid enim ad vitam Ca-
roli V. Imperato. bella, quae Selim pater, aut
Solimānus filius contra Persas gessit; cum
res illius nihil attingant? Iam quia scripto-
ri non solum uidendum est, quid & quo loco,
sed quibus etiam uerbis dicat, teneat dicen-
di genus medium, & temperatum, faciatq;
ora-

orationem breuem, lucidam, & ornatam:
quam cum omnes intelligant, tum eruditi
homines commendent. Nec ignoret (sunt
enim historia partes duae, Principium, et nar-
ratio) esse libera exordia, captariq; in illis
praecipue docilitatem & attentionem: nar-
rationem uero amare breuitatem, & perspi-
cuitatem aliqua suauitate conditam. Sed
quia de historia partibus & orationis genere
satis multa dixi in eo libello, quem de scriben-
da historia composui, longior hic esse praefer-
tim in hac temporis angustia non curo. Vñ
addam, quod ad studium lectoris pertinet, ui-
delicet historiarum lectionem non tantum
ad indicia ueteris memoria cognoscenda;
quārem Cicero dicit esse curiosorum; sed ad
imitandos summos uiros spectare; quod in-
geniosorum, et prudentum hominū est. Hac est.
Auditores scribēdi uirorū illustrū uitas qua
se

De Fini.
5.